



09 OCT, 2020

PKPB babitkan mukim Klang sahaja

Harian Metro, Malaysia

Page 1 of 2

PKPB babitkan mukim Klang sahaja

Kuala Lumpur: Kerajaan memutuskan Perintah Kawalan Pergerakan Ber-syarat (PKPB) di daerah Klang hanya membabitkan mukim Klang dan berkuat kuasa pada jam 12.01 tengah malam tadi.

Menteri Kanan (Kluster Keselamatan), Datuk Seri Ismail Sabri Yaakob berkata, keputusan itu diambil selepas mendapat nasihat daripada Kementerian Kesihatan Malaysia (KKM) dan Menteri Besar Selangor.

"Kelmarin, saya mengu-

mumkan kerajaan memutuskan untuk melaksanakan PKPB di Klang yang akan berkuat kuasa pada 9 Oktober (hari ini) selepas mendapat nasihat daripada KKM dan berbincang dengan Menteri Besar Selangor, mesyuarat bersetuju PKPB di Klang adalah di mukim Klang.

"Walau bagaimanapun, kerajaan masih berbincang dengan kerajaan Selangor mengenai kawasan dan lokali yang terbabit dan akan mengumumkan selepas ia

ditentukan," katanya pada sidang media, semalam.

Ismail Sabri berkata, bagi memastikan kegiatan ekonomi dan bekalan barang serta makanan tidak terjejas, mesyuarat juga berse-tuju membenarkan aktiviti ekonomi beroperasi seperti biasa.

"Antaranya pasar borong dibenarkan beroperasi dari jam 4 pagi sehingga jam 2 petang, pasar biasa bermula jam 6 pagi sehingga jam 2 petang dan pasar tani bermula jam 6 pagi sehingga

jam 12 tengah hari namun operasi pasar malam tidak dibenarkan.

"Kedai-kedai makan, gerai dan warung juga boleh dibuka, tetapi terhad dari jam 6 pagi sehingga jam 10 malam dan hanya untuk pembelian secara pandu lalu, penghantaran serta bungkus sahaja," katanya.

Menurutnya, pengangkutan awam seperti bas, teksi termasuk e-hailing dibenarkan beroperasi bermula jam 6 pagi sehingga jam 12 tengah malam.



09 OCT, 2020

PKPB babitkan mukim Klang sahaja

Harian Metro, Malaysia

Page 2 of 2

SUMMARIES

Kuala Lumpur: Kerajaan memutuskan Perintah Kawalan Pergerakan Bersyarat (PKPB) di daerah Klang hanya membabitkan mukim Klang dan berkuat kuasa pada jam 12.01 tengah malam tadi. Menteri Kanan (Kluster Keselamatan), Datuk Seri Ismail Sabri Yaakob berkata, keputusan itu diambil selepas mendapat nasihat daripada Kementerian Kesihatan Malaysia (KKM) dan Menteri Besar Selangor.